



SLUŽBENE NOVINE KANTONA SARAJEVO

Godina XXVIII - Broj 19

Četvrtak, 27. 4. 2023. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na Trećoj radnoj sjednici održanoj dana 18.04.2023. godine, donijela je

ZAKON

O IZMJENI ZAKONA O PRUŽANJU BESPLATNE PRAVNE POMOĆI

Član 1.

(Izmjena člana 26.)

U Zakonu o pružanju besplatne pravne pomoći ("Službene novine Kantona Sarajevo", br. 1/12, 26/14 i 40/17), u članu 26. stav (4) mijenja se i glasi:

"(4) Pravni zastupnik, izuzev direktora Kantonalnog zavoda za pružanje besplatne pravne pomoći, ima pravo na uvećanje plaće u visini od 20%, zbog posebnih ovlaštenja i posebnih uslova rada iz st. (2) i (3) ovog člana.

Član 2.

(Rok za usklađivanje pravilnika o plaćama i naknadama)

U roku od 30 dana od dana stupanja na snagu ovog zakona direktor Zavoda dužan je uskladiti pravilnik o plaćama i naknadama državnih službenika i namještenika sa odredbama ovog zakona.

Član 3.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-12822/23

18. aprila 2023. godine
Sarajevo

Predsjedavajući

Skupštine Kantona Sarajevo
Elvedin Okerić, s. r.

Na osnovu člana 12. tačka g) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17) i čl. 3. i 6. Zakona o ustanovama ("Službeni list RBiH", br. 6/92, 8/93 i 13/94), Skupština

Kantona Sarajevo, na Trećoj radnoj sjednici održanoj dana 18.04.2023. godine, donijela je

ODLUKU

O IZMJENAMA I DOPUNAMA ODLUKE O OSNIVANJU JAVNE USTANOVE "CENTAR ZA NAPREDNE TEHNOLOGIJE U SARAJEVU"

Član 1.

(Izmjene i dopuna člana 2.)

- (1) U Odluci o osnivanju Javne ustanove "Centar za napredne tehnologije u Sarajevu" ("Službene novine Kantona Sarajevo", br. 28/18 i 6/19) u članu 2. stav (2) mijenja se i glasi:
- "(2) Prava i dužnosti osnivača obavljaće Ministarstvo privrede Kantona Sarajevo (u daljem tekstu: Ministarstvo) i Vlada Kantona Sarajevo (u daljem tekstu: Vlada), svako u okviru svojih nadležnosti."
- (2) Iza stava (2) dodaje se novi stav (3) koji glasi:
- "(3) Unutrašnju organizaciju Javne ustanove čine organizacione jedinice (u daljem tekstu: OJ): Kabinet direktora, OJ "Centar za napredne tehnologije" i OJ "Centar za razvoj poduzetništva."
- (3) Dosadašnji stav (3) postaje stav (4).

Član 2.

(Izmjene i dopuna člana 5.)

- (1) U članu 5. u stavu (1), riječ: "ustana" zamjenjuje se riječju: "ustanova", a iza riječi: "preciznije", dodaje se riječ: "urediti".
- (2) Iza stava (1) dodaje se stav (2) koji glasi:
- "(2) U slučaju potrebe, Javna ustanova može za obavljanje registrovane djelatnosti koristiti prostor izvan zgrade iz stava (1) ovog člana, a po osnovu prethodno zaključenog ugovora o zakupu ovog prostora i ispunjenju drugih potrebnih zakonskih uslova."

Član 3.

(Izmjene člana 7.)

- U članu 7. stav (1) mijenja se i glasi:
- "(1) Djelatnost Javne ustanove obuhvata:
23.11 Proizvodnja ravnog stakla;